



Inatsisartunut ilaasortaq
Tillie Martinussen
Demokraatit
/Maani

§ 37-mi apeqqutip nr. 153 akineqarnera inatsisiliornerik ataatsimoortumik allaaserinnineq

Inatsisartut suleriaasianni § 37, imm. 1 naapertorlugu apeqquteqaat Inatsisartunut ilaasortamit Tillie Martinussenimit, Demokratinit apeqqutigineqartoq Naalakkersuisunit ulloq 30. juni 2016 tiguneqarpoq. Apeqqutit uannut akineqartussanngortinneqarsimapput.

Akissutit apeqqutigineqartut kingornatungaanniipput.

12-07-2016
Sullap nr. 2016 - 10546
Allakkat
nr. 3103341

Postboks 1015
3900 Nuuk
Oqa. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

1. Suliniutit suut Naalakkersuisut aallartinniarpaat innuttaasunut paasiuminarsarniarlugu, inatsisit suut atuunnersut?

Akissut:

Naalakkersuisunit 2008-imi nittartagaq www.lovgivning.gl pilersinneqarpoq. Nittartakkakkut tassuuna Namminersorlutik Oqartussani inatsisit ingerlaavartumik tamanit takuneqarsinnaanngortinneqarsimapput, siusinnerusukkut suliaasimasunut, kingusinnerusukkut allanngortitsinernut kiisalu maleruaqqusaq naapertorlugu nalunaarutinut ajornaatumik isertoqarsinnaalerluni.

Tamatuma saniatigut Statsministeriaqarfimmit Kalaallit Nunaanni inatsisinut nalunaarsuiffik nutartigaq suliarineqartarpoq, taannattaq aamma www.lovgivning.gl aqqutigalugu tamanut ammaanneqarsimasoq, tassuunalu takuneqarsinnaapput inatsisiliornerit sorliit oqartussaaffinnut angerlaanneqareersimasunut aammalu oqartussaaffinnut suli angerlaanneqarsimanngitsunut atuuttuunersut.

Naalakkersuisunit suli ingerlaavartumik siunissami inatsisit, nalunaarutit il.il. akuersissutigineqarsimasut tamanit takuneqarsinnaanngortittarniarpaat www.lovgivning.gl aqqutigalugu, tamatumali saniatigut maannakkuugallartoq arlalinnik suliniuteqarnissaq eqqarsaatersuutigineqanngilaq.

2. Naalakkersuisut eqqarsaatiginerlugu sukumiilluinnartumik kingumoortumik inatsisinik tamanik eqiterinissaq, innuttaasut pisinnaatitaaffitik nassaarisinnaaniassammattigit inatsisillu atuuttut sumiiffimmi ataatsimi?

Akissut:

Siusinnerusukkut Naalakkersuisuusarsimasut nalaanni eqqarsaatigineqarsimavoq inatsisit ataatsimoortumik allanneqartarnerat pisortatigoortunngortinniarlugu inatsisinut nalunaarutit isikkulerlugit, suliniut Naalakkersuisunit aallaavittut akuersaarnartuutinneqartoq.

Inatsisinulli nalunaarutitik eqqussiniarluni suliniut piviusunngortinneqanngitsoornikuuvoq sulisutigut nukissaaleqineq pissutigalugu. Sulisutigut pisariaqartinneqartunik nukissaqarani inatsisinut nalunaarutitik atortuulersitsinerup kingunerisinnaavaa inatsiseqarnikkut isumannaallisaanikkut arlalinnik ajornartorsiulerneq, soorlu Inatsisartunut ilaasortamut Peter Olsen-imut, Inuit Ataqatigiinnut sammisaq taanna pillugu § 37 apeqqut nr. 58-2016-imeersumi akissutigisanni allaaserisimagiga.

3. Naalackersuisut sulisutigilersaarnerlugu innuttaasunut atuaruminartunik paasiuminartunillu inatsisiliornissaq, inuit nalinginnaasut periarfissarissaarnerulersikkumallugit inatsisitik malittarisassanillu paasinnilluarnissaat?

Akissut:

Naalackersuisunit kissaatigineqanngilaq inatsisitik akuerisaasunik Inatsisartunit akuerineqarsimasuninngarnit allatut isikkulerlugit suliniuteqarnissaq, tassami innuttaasuni ataasiakkaani inatsisiliornermut atuuttumit kukkusumik paasineqarsinnaalissammata inatsisiliornermut Inatsisartunit akuersissutigineqarsimasumut sanilliullugu. Tamanna Naalackersuisut paasinnittarnerat naapertorlugu inatsisitigit isumannaatsuunissakkut eqqarsarnartoqassaaq. Innuttaasup inatsisiliornermik atuinera eqqarsaatigalugu tamanna akuttunngitsumik inatsiseqarfiusumi aalajangersimasumi ilitsersuusiornikkut pisarpoq, taamatuttaarlu periarfissiisoqartarluni oqartussaaffimmi ataatsimi inatsisit arlallit akimorlugit tamakkiisumik inatsisiliornernit atuuttunit akulerutsitsineq.

4. Naalackersuisut eqqarsaatiginerlugu sulisunut inatsisinut ilitsersuutitigit angummatilerniarlutik aamma tamanna qaqugu naatsorsuutigisinnaavarput?

Akissut:

Naalackersuisut isumaqarput sulisunut ilitsersuusiortarnikkut nalinginnaasumik kinguaattoortoqanngitsoq.

5. Unaminartut suut ilaappat inatsisit kalaallisut nutarterneqassappata aamma sooq ullumimut naleqqiullugu tamanna sukkanerusumik ingerlanneqanngila?

Akissut:

Naalackersuisut isumaqarput, inatsisitigit maleruaqqusat Namminersorlutik Oqartussani akuerineqarsimasut, nutartigaallutik kalaallisut danskisullu saqqummiunneqartartut, taakkumi suliarineqarlutillu, akuerineqarlutillu tamanut nalunaarutigineqartarmata kalaallisut soorluttaarlu danskisut ataatsikkoortumik.

6. **Apeqqutini 1-miik 5-mut taasanni unamminartut suut attuumassuteqarpat aamma suliniutit piviusunngortinneqassappata tamanna qanoq akeqassava?**

Akissut:

Aallarniutitut apeqqutitut 1-5-inut akissutigisakka innersuussutigissavakka. Naalackersuisut ilisimasaat naapertorlugu maannakkorpiaq inatsisinut ingerlaavartumik nalunaarusiornermi imaluunniit allanik oqaatigineqarsimasunik suliniutini naatsorsuutigisamik aningaasaqarniarnikkut kingunerisinnaasat pillugit naatsorsuusiortoqarsimangilaq.

7. **Suliniutit suut allat Naalackersuisut aallartissallugit eqqarsaatigaat inatsisit innuttaasullu pisinnaatitaaffii innuttaasunut, peqatigiiffinnut aamma kattuffinnut pineqarsinnaalersillugit, taakku pisariaqartitsileraangamik ilisimasaqarnerulernissaminnut periarfissaqaqqullugit?**

Akissut:

Aallarniutitut apeqqut 1-mut akissutinnut innersuussissaanga.

Inussiarnersumik inuulluaqqusillunga



Kim Kielsen